



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1738. usque ad annum 1740

**Fleury, Claude**

**Augustæ Vindelicorum, 1786**

**VD18 90119355**

§. 20. Levis contentio inter Electorem Archiepiscoporum Coloniensem & Leodiensem Episcopum.

---

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII. A. C. 1728. Postea tamen, cum per publicam delicti vindictam scandalum fatis reparatum crederetur, Varsoviensis Nuntius Apostolicus Posnaniensi Suffraganeo interdictum relaxandi potestatem fecit.

## §. XX.

*Levis contentio inter Archiepiscopum  
Colonensem & Leodiensem  
Episcopum.*

Mortuo, ut retulimus, Nicolao Principe Abbate Stabulensi ac Malmedyensi Ord. S. Benedicti, die secunda Augusti Deodatus Drion nonnisi triginta annos natus in Abbatem, S. R. J. Principem & Lognæ Comitem post viginti novem Gremialium scrutationes eligebatur: Ubi autem de ejus consecratione actum erat, quædam contentio exorta est; cum enim hæc Abbatia tam ad Colonensem, quam ad Leodiensem Diæcesin sese extendat; uterque Episcopus fundatum consecrandi jus habere videbatur: Hanc suborituram esse difficultatem probe prospexerant viduatæ Abbatix Religiosi, quocirca rem summi Pontificis judicio relinquebant, qui tamen, ne Colonensis aut Leodiensis juribus quicquam derogaret, jam priori anno ad Neo-electum Abba-

Abbatem Pontificium transmisit diploma, vi cujus Eidem (sine tamen ullius præjudicio) plenam concessit libertatem, vel Coloniensem vel Leodiensem pro sacrae inaugurationis munere seligendi: Obstrepebat tamen Episcopus Leodiensis Georgius Ludovicus Comes de Berghes, cum enim tam Stabuletum, quam Malmedya in ejus Diocesi sita & Ecclesiae Leodiensi Anno 1576. incorporata fuisset, sibi soli Abbatem consecrandi jus competere causabatur: Nec minus solide jus suum propugnabat Coloniensis Archiepiscopus atque Elector, in eo fundatum, quod hæ Abbatiæ rursus a Leodiensi Capitulo segregatæ a Maximiliano Henrico Coloniensi Archiepiscopo ad Argentinensem Episcopum translatae, & primum post pacem Rysvicensem restitutæ fuissent: nihilominus Clemens Augustus tum Archiepiscopus atque Elector Coloniensis Apostolici diplomatis reverentia permotus concessit, ut Abbas sibi a Pontifice indulta libertate plene frueretur: Eapropter hic Coloniæ profectus, die vigesima tertia Augusti a Coloniensi Archiepiscopali Suffraganeo in Domestico Ejusdem Sacello, assistentibus quatuor Abbatibus, consueto ritu consecratus est. Erat is hujus sæculi quintus Princeps Abbas;

Sæc. XVIII.  
A. C. 1738.

*Hist. Eccles. Tom. LXXVI.*

H bas;

Sæc. XVIII. A. C. 1738. bas; præcesserant enim Wilhelmus Egon Princeps Fürstenbergius electus Anno 1681. & Anno Christi 1704. ætatis vero septuagesimo quinto mortuus. Cui successit Franciscus Josephus Lotharingæ Princeps. qui prius Coadjutor ac demum Abbas Anno 1704. creatus obiit die vigesima septima Julii Anno 1715. annos natus nonnisi viginti sex; Successorem habuit Joannem Ernestum Comitem Löwensteinio - Wertheimensem natum Anno 1667. electum die 15. Oct. Anno 1715. & mortuum die vigesima nona Julii Anno 1731. quo anno die decima quinta Augusti susceptus est Nicolaus, & post ipsum Deodatus, quo die decima quarta Januarii Anno 1741. fatis functo in ejus locum electus Josephus de Nolet, qui Anno 1753. die decima quarta Decembris Successorem habuit Alexandrum de Linotte, antea Malmedyensem Priorem.

## §. XXI.

*Conscientiæ libertas Catholicis a Fœderatis Ordinibus restricta.*

Quamvis Protestantes conscientiæ libertatem velut Trojanum suæ, ut vocant, reformationis Palladium a primo sectæ exordio in hanc usque diem plenis buccis crepent, illamque nec